



Aliad
Ultreia

MEMORIA 2024



INDICE

INDICE	2
A NOSA HISTORIA	4
MISIÓN	5
VISIÓN.....	5
VALORES	6
EQUIPA	7
ONDE ESTAMOS	8
NÓS EN 2024	8
TRABALLO EN REDE	9
PERTENZA A REDES.....	9
ENTIDADES COLABORADORAS	9
ENTIDADES FINANCIADORAS	10
PROGRAMA SENLLEIRAS	13
PROGRAMA DONAS.....	14
PROGRAMA TECENDO FUTURO	15
TALLERES SANITARIOS E INFORMACIÓN SOBRE VIH PARA MULLERES VÍTIMAS DE TRATA E/OU EXPLOTACIÓN SEXUAL E MULLERES QUE EXERCEN A PROSTITUCIÓN	17
CASA DE ACOLLIDA MULLERES VÍTIMAS DE TRATA E/OU EXPLOTACIÓN SEXUAL OU QUE SE ATOPEN EN RISCO DE SELO	18
CONVENIO AXUDAS DE EMERXENCIA	19
PROGRAMA DE DETECCIÓN E RESTABLECEMENTO DE MULLERES PROSTITUÍDAS, VÍTIMAS DE TRATA E/OU EXPLOTACIÓN SEXUAL CON PROBLEMÁTICAS DE SAÚDE MENTAL E/OU ADICCIÓNES.	20

PROGRAMA DE DETECCIÓN E RESTABLECEMENTO DE MULLERES VÍTIMAS DE TRATA E/OU EXPLOTACIÓN SEXUAL.	22
NEXT GENERATION.....	23
PROGRAMA BRAVAS	24
ATENCIÓN A PERSOAS RECLUSAS E EX-RECLUSAS	25
PROGRAMA PREPARADOS, LISTOS, XA!	26
PROGRAMA PASO A PASO.....	27
PROGRAMA DE PREPARACIÓN Á LIBERDADE.....	28
PLAN DE ANIMACIÓN SOCIOCULTURAL EN PRISIÓN	29
PROGRAMA DE ATENCIÓN XURÍDICO SOCIAL.....	31
SENSIBILIZACIÓN E INCIDENCIA POLÍTICA.....	32
ACTIVIDADES DE SENSIBILIZACIÓN	33
OBRADOIROS FADAS (Federación de Asociacións de Ámbito Social de Lugo)	35
AS NOSAS REDES SOCIAIS.....	37
INICIATIVAS DE VOLUNTARIADO.....	39
CUOTA PERSOAS SOCIAS	41
AS CONTAS CLARAS.....	42



A NOSA HISTORIA

Aliad Ultreia ten as súas orixes na asociación ALIAD (**Asociación Luguesa de Información e Axuda ao Drogodependente**), fundada en **1984** na cidade de Lugo e posta en marcha por profesionais de diferentes ámbitos (medicina, psicoloxía, profesorado...) coa intención de informar á sociedade da gravidade do problema das **drogodependencias** e atender o conxunto de necesidades que este xera. Nun principio, o seu ámbito de actuación era a prevención e tratamento de drogodependentes, pero ALIAD pronto se especializaría na area de incorporación social.

A actividade de ALIAD esténdese ao pouco tempo ao interior dos centros penais da provincia de Lugo para abordar problemáticas derivadas do **consumo de drogas** e a estadía na **prisión**. Este programa desenvólvese na actualidade dentro e fóra dos centros penais cun enfoque máis amplo e unha atención máis integral.

En **2006**, a Xunta de Galicia declarou a Aliad **entidade de interese Galego en materia de drogodependencias** (Orde do 19 de setembro de 2006, publicada no DOGA do 6 de outubro de 2006).

No ano **2010**, a asociación modifica o seu nome para pasar a denominarse Aliad Ultreia, debido á ampliación do seu ámbito de actuación debido á identificación de novas realidades sociais que era preciso abordar como son **as violencias de xénero**, incluída a **trata e explotación sexual**.

En **2014**, Aliad Ultreia obtén a **declaración de utilidade pública** acolléndose a lei 49/2002.



MISIÓN

Aliad Ulteira somos unha asociación de **Lugo** que traballa na mellora das condicións de vida de persoas con problemas de **adiccións**, **persoas reclusas e ex-reclusas** e mulleres vítimas das diferentes formas de **violencia de xénero** -entre elas a **prostitución**- e as súas fillas e fillos.

Dende unha abordaxe interdisciplinar, traballamos tanto no acompañamento integral á persoa como na transformación de contextos e na promoción do cambio social.

VISIÓN

Queremos que a nosa forma de traballo fale por nós, e ser un referente na atención a estes colectivos dende un enfoque de acompañamento sensible á individualidade da persoa, baseado na confianza, no coidado e no respecto aos seus tempos e proxecto de vida.

Ademais, buscamos que nos caracterice a nosa **mirada crítica**, ser unha asociación dinámica en aprendizaxe permanente, quen de xerar enfoques e propostas **transformadoras**, esixente con nós mesmas e coa labor das administracións públicas.


Para elo, proxectámonos como unha entidade honesta, coherente cos principios que defende, que coida da súa equipa profesional, das persoas socias e do voluntariado, enfatizando a nosa dimensión asociativa.

Queremos ser un espazo de **participación cidadá**, de **educación**, **sensibilización social** e **traballo en rede**, todo elo coa mirada posta no horizonte social que nos move: unha **sociedade xusta e igualitaria**, **garante de dereitos e centrada no coidado da vida**.



VALORES





EQUIPA

Aliad Ulteira ten como órgano de goberno a Asemblea Xeral que está integrada por todas as persoas socias.

A xestión e representación da entidade recae na Xunta Directiva, cuxos membros no 2020 foron:


Presidente: María Barba Núñez

Tesoureira: Jennifer Santín Vivero

Vicepresidenta: Ana Luísa Posada Luaces.

Secretaria: María Gloria Pernas Teijeiro

Vogal: Manuel Varela Veiga



A entidade conta cunha equipa profesional cualificada e con ampla experiencia nos diferentes ámbitos de traballo. Contamos con **10 persoas** (9 mulleres e 1 home) contratadas e dúas máis, unha psicóloga e un avogado, por conta allea.



ONDE ESTAMOS



Aliad Ultreia dispón de instalacións propias situadas na **rúa Milagrosa nº 99-101**, na cidade de Lugo.

Aquí atópanse as oficinas, despachos, sala de xuntas, aula de formación e informática así como un apartamento totalmente equipado para o desfrute de permisos penais.

Tamén podes atoparnos en redes



NÓS EN 2024




**1646 PERSOAS
EN ATENCIÓN
DIRECTA**



**67 PERSOAS
SOCIAS**



**32 PERSOAS
VOLUNTARIAS**



**18 PROGRAMAS
E PROXECTOS
REALIZADOS**



**CONTANDO CON
467.243,51 EUROS
DE INGRESOS**



TRABALLO EN REDE

PERTENZA A REDES



Rede TIL

Técnicas/os de Inserción Laboral

RELUVOL

Rede Lucense de Voluntariado

ENTIDADES COLABORADORAS



Fundación Barrié





ENTIDADES FINANCIADORAS



ALIADAS



Dentro desta área ofrécese atención a **mulleres vítimas de violencia de xénero** nas súas múltiples manifestacións (física, psicolóxica, sexual, económica, institucional e social) dando unha **resposta integral**.

Dentro do programa cóntase con dúas liñas dirixidas a:

- ♦ **Mulleres en situacións de vulnerabilidade:** atención a mulleres vítimas de violencia de xénero e/ou mulleres inmigrantes en situación administrativa irregular.

Aliad ofrece un recurso integral de apoio e acompañamento a mulleres ao longo de itinerarios individualizados e flexibles atendendo as necesidades básicas, atención social, psicolóxica, sanitaria, orientación laboral e asesoramento xurídico.

- ♦ **Mulleres vítimas de trata con fins de explotación sexual,** trabállase nos espazos de exercicio da prostitución e dando atención e cobertura integral ás mulleres, ofrecendo aloxamento e atención especializada de carácter xurídico, social, psicolóxico, sociosanitario e de orientación laboral.

PROGRAMA SENLLEIRAS

Atención a **mulleres migrantes en situación de vulnerabilidade** e/ou **vítimas de violencia de xénero**.

Traballamos a través de **itinerarios integrais** con atención e acompañamento social, psicológico, xurídico, sanitario e laboral.

A finalidade do programa é fortalecer nas mulleres as súas ferramentas persoais, psicolóxicas, laborais e educativas que axuden a superar a súa situación de vulnerabilidade, iniciar o seu proceso de reparación e proxecto de vida e crear un espazo de participación na procura da igualdade en diferentes eidos da vida.



144 MULLERES
ATENDIDAS 44 CON
ITINERARIO



616 ATENCIÓNS
SOCIAIS E
ACOMPÑAMENTOS



ATENCIÓN PSICOLÓXICA A
10 MULLERES CON 117
ATENCIÓNS INDIVIDUAIS



ORIENTACIÓN LABORAL
A 24 MULLERES CON 87
INTERVENCIÓNS



ASESORAMENTO XURÍDICO
A 117 MULLERES EN
MAIS DE 216 ATENCIÓNS
INDIVIDUAIS



65 MULLERES EN
INTERVENCIÓNS
GRUPAIS

Programa financiado pola Secretaría Xeral de Igualdade da Xunta de Galicia.

PROGRAMA DONAS

PROGRAMA ATENCIÓN INTEGRAL VÍTIMAS TRATA CON FINS DE EXPLOTACIÓN SEXUAL

Desde o ano 2010 véñse traballando para abordar unha das formas máis invisibilizadas de violencia de xénero: **a trata e/ou explotación sexual**, centrando a acción na defensa dos dereitos das mulleres vítimas desta violencia machista e a sensibilización á sociedade.

Traballamos a través de **itinerarios integrais** con atención e acompañamento social, psicológico, xurídico, sanitario e laboral, ofrecendo os servizos detallados dentro do Programa Donas.



**ATENDEMOS A 112
MULLERES, 8 MULLERES
TRANS E 1 HOMES EN
SITUACIÓN EXPLOTACIÓN
SEXUAL**




**REALIZAMOS MÁIS DE
1304
ACTUACIÓNS
SOCIAIS**



**REALIZAMOS 207
ASISTENCIAS
XURÍDICAS**



**183 ATENCIÓNES
PSICOLÓXICA**



**343 ACTUACIÓNES DE
ORIENTACIÓN
LABORAL**

Programa financiado pola Secretaría Xeral de Igualdade da Xunta de Galicia.

PROGRAMA TECENDO FUTURO



**CONTACTAMOS
CON 348
MULLERES EN
PROSTITUCIÓN**

Este proxecto realiza actuacións nos lugares onde se exerce a prostitución (clubs, pisos por toda a provincia e barrio da Tinería en Lugo), buscando establecer contacto coas **mulleres en situación de prostitución** e crear un vínculo de confianza con elas para que, en caso de necesidade de información ou atención, acudan á asociación.

Nas visitas realízanse **obradoiros** sobre **recursos sociais de Lugo** e sobre **saúde sexual e reprodutiva**.

Cando se achegan a nosa entidade, os **servizos** que se lles ofrecen son: **asesoramento xurídico, atención psicolóxica, orientación laboral, formación, atención social e sanitaria**, a parte de **información doutros recursos sociais** máis axeitados á súa demanda.

Curso Tecendo Futuro

Ese traballo individualizado complementábase con accións de traballo grupal, de carácter formativo, de participación e de creación de vínculos sociais. Trátase dunha formación dirixida a mulleres que sufriron ao longo da súa vida algunha violencia machista, incluída a explotación sexual.

Centrado na procura de emprego ante a súa demanda de reforzar o seu itinerario con actividades psicoeducativas que melloren o seu autocoñecemento, reforce a súa autoestima, rescate e poña en marcha as súas capacidades e fortalezas e mellore as súas estratexias de comunicación e habilidades. Ademais realizáronse actividades de sensibilización da poboación a través das novas tecnoloxías, accións de rúa e participación en foros e formacións.

Neste ano 2024 traballamos aspectos como **coñecemento persoal**, **cohesión grupal**, **habilidades sociais**, **autocoidado**, a **autoestima**, **identificación e manexo de emocións** e a **orientación laboral** de cara a mellorar as súas ferramentas para a incorporación sociolaboral. Foron 45 horas de formación.

Programa financiado pola Deputación de Lugo



**CURSO “TECENDO
FUTURO”
PARTICIPARON 13
MULLERES**

TALLERES SANITARIOS E INFORMACIÓN SOBRE VIH PARA MULLERES VÍTIMAS DE TRATA E/OU EXPLOTACIÓN SEXUAL E MULLERES QUE EXERCEN A PROSTITUCIÓN

Realizáronse durante o ano 2024:

- **Talleres sanitarios**, sobre o VIH, ITS e o papiloma humano, dentro dos clubs (28), pisos (7) e no barrio da Tinería (3 visitas) onde se atopan as mulleres en prostitución.
- Reparto de **preservativos** e de folletos informativos, tanto no local de Aliad Ultreia como durante as visitas.
- **Proba rápida do VIH e de VHC (hepatites C)**. Somos un centro colaborador coa Dirección Xeral de Innovación e Xestión de Saúde Pública (DXIXSP) e contamos no noso local coa infraestrutura e as profesionais axeitadas para a realización da proba rápida reactiva e para dar un consello asistido pre e post-proba.
- **Atención Social e mediación socio-sanitaria** para a realización de probas de ITS e probas xinecolóxicas.
- **Acompañamento sanitario e recollida de medicación** en casos de VIH.



9

**ACOMPÑAMENTOS
SANITARIOS**



**PARTICIPACIÓN DE
204 MULLERES E 4
HOMES EN SITUACIÓN
PROSTITUCIÓN**



**8 PROBAS
RÁPIDAS DO
VIH**

Este proxecto está financiado pola Consellería de Sanidade da Xunta de Galicia

CASA DE ACOLLIDA MULLERES VÍTIMAS DE TRATA E/OU EXPLOTACIÓN SEXUAL OU QUE SE ATOPEN EN RISCO DE SELO



**CASA DE
ACOLLIDA
MULLERES
VÍTIMAS
EXPLOTACIÓN
SEXUAL**

Contamos cunha vivenda dirixida a **mulleres e as súas crianzas** que, tras abandonar a **situación de prostitución e/ou explotación sexual**, precisan dun período de restablecemento e re-deseño do seu proxecto persoal e da súa posta en marcha.

Préstase especial atención ás mulleres inmigrantes, principais vítimas destes delitos, cunha situación de maior vulnerabilidade debido á falta de redes sociais e descoñecemento dos servizos e contexto, ao ser o sustento económico da súa familia en orixe, a súa situación administrativa irregular...



**5 PRAZAS
INCLUINDO
FILLAS/OS**

Este recurso está vencellado aos demais programas e servizos que levamos a cabo, así ás mulleres que se atopan na casa tamén desenvolven un itinerario, podendo ter atención social, xurídica, psicolóxica, orientación laboral e acompañamento durante a etapa de restablecemento.

Durante o ano 2024 residiron na casa 7 mulleres e un menor (fillo dunha usuaria).

Vivenda financiada pola Secretaría Xeral de Igualdade

CONVENIO AXUDAS DE EMERXENCIA

A finalidade destas axudas económicas de emerxencia foi dar apoio de emerxencia ás vítimas de trata e/ou explotación sexual, para cubrir necesidades básicas e puntuais de aloxamento, alimentación, hixiénico-sanitarias, de transporte e telecomunicación, nos casos de urxente desamparo.

Atendeuse a mulleres en situación de prostitución e/ou explotación sexual que actualmente non estivesen cobrando ningunha axuda e/ou estiveran en situación administrativa irregular e non puideran acceder a estes dereitos.

Destas axudas, case o 75% destinouse a alimentación e produtos de hixiene e limpeza, o 15% a pago de aluguer, e o resto a cubrir facturas de subministros, transporte, e outras necesidades básicas.

Mais aló desta finalidade urxente de cubrir as súas necesidades básicas, buscouse dar unha atención máis completa buscando mellorar a súa situación cunha atención integral, axudándoas a acceder aos seus dereitos sociais. Todas elas tiveron acceso a atención social, xurídica, psicolóxica, orientación laboral e sanitaria ou foron derivadas a outros servizos especializados para atender as súas demandas. Realizáronse:

- ♦ Entrevista de recollida de datos e valoración da súa situación social.
- ♦ Coordinación coas traballadoras sociais para tramitar e solicitar axudas, evitando duplicar e creando sinerxías na atención.
- ♦ Entrega de axudas económicas.
- ♦ Seguimento e atención integral e/ou derivación a outros servizos.

Convenio financiado pola Secretaría Xeral de Igualdade da Xunta de Galicia.



**ATENCIÓN A 36
MULLERES EN
PROSTITUCIÓN**



**102 AXUDAS DE
EMERXENCIA**

PROGRAMA DE DETECCIÓN E RESTABLECEMENTO DE MULLERES PROSTITUÍDAS, VÍTIMAS DE TRATA E/OU EXPLOTACIÓN SEXUAL CON PROBLEMÁTICAS DE SAÚDE MENTAL E/OU ADICCIÓN.

Durante o ano 2024 con este proxecto **buscouse formar a profesionais sanitarios**, a creación dun **protocolo** de boas prácticas profesionais a hora de intervir con mulleres prostituídas, a **automatización** das ferramentas de detección sanitarias e a actualización da web como referente para derivación e coordinación. Algunhas das actividades foron:

1. Deseño dun **protocolo de boas prácticas profesionais**. Redactado para guiar a correcta intervención e mellorar a relación profesional-paciente/usuario. Este programa tivo como beneficiarias a 1400 mulleres e 500 profesionais
2. Favorecer a creación de **grupos de traballo** para **mellorar a identificación de indicios de vítimas de trata e/ou explotación sexual** por parte de **persoal do ámbito da saúde mental** mediante a posta en práctica e validación da **ferramenta** deseñada, incorporando indicadores para mellorar a detección e intervención con **menores**, ampliación referencias bibliográficas, xeración de un mapa de recursos, actualización das ferramentas deseñadas e incorporación de materiais en outras linguas.
3. **Rematar e mellorar a web**: www.saudealiadas.com, na que se automatizou a detección de posibles vítimas de trata e/ou explotación sexual e o sistema de derivación de casos.
4. **Difusión** do proxecto e as ferramentas: participouse en diferentes espazos divulgativos a nivel autonómico e nacional, en concreto 3 espazos locais con 50 asistentes e 2 congresos internacionais. Ademais publicitouse e difundíuse o proxecto en redes e medios.

5. **Reforzo do proxecto de centro de traballo con vítimas.** Desenvolvemos actividades que acompañen e melloren o proceso de restablecemento das mulleres. Durante este ano 2024 levamos a cabo un curso de ioga e o curso “Coidándonos” durante o verán que busca incidir no benestar, crear redes sociais e o desfrute do tempo libre das mulleres
6. **Realización de reunións participativas cos axentes implicados.** Durante este ano tivéronse **contacto e reunións** coas 12 entidades membro da **Rede Galega contra a trata Sexual**, con **profesionais da saúde** (traballadoras sociais do Hospital Universitario Lucus Augusti-HULA, con profesionais de xinecoloxía e co persoal do programa intensivo de prevención do suicidio), de **asociacións/recursos que traballan con persoas con problemática de saúde mental/adiccións** e cos **equipos de familia e menores e outros recursos adicados a protección da infancia.**
7. **Formación en saúde mental a entidades especializadas no traballo con mulleres prostituídas** entorno as “Estratexias de traballo e detección de trastornos de saúde mental en mulleres prostituídas”. Desenvolveuse no mes de novembro participando mais de 10 entidades públicas e privadas de Galicia.



Proxecto financiado pola Consellería de Sanidade no marco das subvencións destinadas á realización de programas de interese xeral para fins de carácter socio-sanitario no ámbito dos trastornos mentais.

PROGRAMA DE DETECCIÓN E RESTABLECEMENTO DE MULLERES VÍTIMAS DE TRATA E/OU EXPLOTACIÓN SEXUAL.

1. **Contar con unha investigación sobre o impacto da prostitución sobre as mulleres que posibilite articular medidas e programas axeitados a realidade.** Durante 2024 colaborouse co equipo de investigación para a aplicación dunha ferramenta diagnóstica; coordinación coas entidades da Rede Galega contra a trata sexual para a aplicación da ferramenta; aplicouse a ferramenta en clubs, pisos, rúa, remitiuse os datos o grupo investigador e emitíuse de informe de investigación e elaborouse documento propostas e boas prácticas.
2. **Realización de diversos grupos de traballo cos diferentes axentes institucionais e sociais que teñen relación coas vítimas da trata e a explotación sexual.**



3. **Actualización da guía multidisciplinar sobre trata e explotación sexual para operadores xurídicos.** Neste 2024 realizouse actualización da guía, incorporando novos contidos e as modificacións normativas correspondentes, sobre todo a que ten lugar co Regulamento de Estranxeiría (RD 1155/2024)
4. **Execución do taller Conectad@s en 10 IES da Comunidade Autónoma Galega.** Estamos a ver como a industria da pornografía e a prostitución está a mandar ás mulleres mensaxes de liberación sexual por medio da venda dos seus corpos e os homes de ter dereito de acceder o corpo das mulleres nunha industria que lles ofrece este servizo. O taller 'Conectad@s: os novos xeitos de relación a través da rede' pretende facer consciente á mocidade dos xeitos de captación que empregan as mafias coa xente nova e como empregan as novas tecnoloxías para facelo.
5. **Finalización da ferramenta de detección de menores vítimas de explotación sexual.** Neste ano 2024 completouse esta ferramenta que se compartira coas equipas de menores durante o 2025

6. **Creación dunha base de datos para sistematizar o traballo realizado coas vítimas**

Convenio financiado pola Secretaría Xeral de Igualdade da Xunta de Galicia.

NEXT GENERATION

Executáronse gastos para a rehabilitación e mellora das instalacións, investimentos en mobiliario, equipamento informático e a adquisición dun vehículo para o centro de acollida que Aliad Ultreia ten para mulleres vítimas de violencia de xénero.

A través do convenio tamén se financiou a compra de diverso mobiliario do recurso de acollida, tanto mobiliario de fogar como de oficina, e diversos electrodomésticos. Ademais de material informático como unha impresora e un ordenador que serán utilizados polas educadoras do piso. Tamén se contratou unha reforma para pintar e mellorar as instalacións do servizo.

Convenio de colaboración entre a Consellería de Política Social e Igualdade e a Asociación Aliad Ultreia enmarcado dentro do “Plan España te Protege contra la Violencia Machista” do “Plan De Recuperación, Transformación e Resiliencia, Financiado pola Unión Europea – Next Generationeu”

PROGRAMA BRAVAS

Programa de atención e asesoramento xurídico e orientación laboral a mulleres migrantes en situación de vulnerabilidade no ámbito laboral: explotación laboral, discriminación, precariedade ou economía sumerxida coa finalidade de garantir os seus dereitos e acceso a un emprego digno.



ATENCIÓN A 106 MULLERES EN SITUACIÓN DE VULNERABILIDADE

- Coordinación coas outras entidades e servizos públicos e privados.
- Traballo integral da persoa.
- Acollida, atención xurídica, diagnose e asesoramento sociolaboral e formativo, obradoiros de formación prelaboral.
- Elaboración e difusión dunha guía contra a explotación laboral.

Programa financiado pola Consellería de promoción do emprego e Igualdade na convocatoria de subvencións destinadas á realización de programas de interese xeral para fins de carácter social dirixidos á promoción da igualdade entre mulleres e homes e de prevención e loita contra a violencia de xénero, con cargo á asignación tributaria do 0,7 % do imposto sobre a renda das persoas físicas e do imposto sobre sociedades

ATENCIÓN A PERSOAS RECLUSAS E EX-RECLUSAS



PROGRAMA PREPARADOS, LISTOS, XA!

Ofrece o recurso dunha vivenda para o desfrute dos permisos penais e/ou primeiros días de liberdade.

As destinatarias son **homes e mulleres presas** nos **Centros Penais de Bonxe e Monterroso**.

A finalidade é tutelar e acompañar a persoas con problemas de drogodependencias ou con falta de redes de apoio ao longo dun itinerario que persigue organizar, planificar e orientar o desfrute dos permisos de saída penais e os primeiros momentos en liberdade.

Realízase con cada persoa un **itinerario integral individualizado**: atención social, asesoramento legal, acompañamento a recursos e actividades de lecer saudable, mediación familiar e social...

Programa financiado pola Deputación de Lugo e a Consellería de Política Social da Xunta de Galicia a través dos programas de interese xeral para fins de carácter social, con cargo á asignación tributaria do 0,7% do IRPF.



**PISO PARA
DESFROUTE
PERMISOS
PENAI**



**21 PERSONAS DE
PERMISO (20 HOMES
E 1 MULLER).
48 PERSONAS
VINCULADAS.**



**186 DÍAS PISO
OCUPADO EN
53 PERMISOS**



**21 ACTIVIDADES
ORIENTADAS A
TRABALLAR
HABILIDADES E
DESTREZAS**



**125
ENTREVISTAS**



**14 MEDIACIÓN E
ACOMPÑAMENTOS
RECURSOS SOCIAIS E
6 ACOMPÑAMENTOS
NO TEMPO LIBRE**

PROGRAMA PASO A PASO



**PRISIONS DE
BONXE E
MONTERROSO**



**ATENCIÓN A
48 PERSONAS
(46 HOMES E 2
MULLERES)**

O programa desenvólvese con **persoas reclusas do Centro Penal de Bonxe e do de Monterroso** que disten da liberdade entre 0 e 2 anos e teñan posibilidades de permanencia en España unha vez saian en liberdade. Tamén son potenciais beneficiarias as persoas ex reclusas e as que saen da cadea e necesitan atención nos primeiros momentos de liberdade.

A finalidade é que as persoas reclusas e/ou ex reclusas melloren, mediante o desenvolvemento dun **proxecto de inclusión social e/ou socio laboral personalizado**, as súas capacidades persoais de cara á súa empregabilidade e inclusión social.

Por medio do deseño coa persoa dun itinerario individualizado faise seguimento e atención nos diferentes ámbitos: mediación social, orientación social e laboral, apoio socioeducativo, apoio psicolóxico, asesoramento xurídico, accións socioeducativas coas familias, acompañamento social (recursos, tratamentos), formación e adquisición de habilidades para o emprego...

Este programa está financiado pola Dirección Xeral de Inclusión Social da Consellería de Política Social da Xunta de Galicia.

PROGRAMA DE PREPARACIÓN Á LIBERDADE

Dirixido ás persoas reclusas nos Centros Penais de Monterroso e Bonxe. A finalidade é preparar a vida en liberdade, traballando cara unha autonomía persoal e social, mediante a realización de obradoiros grupais e actuacións individuais.

Obradoiros grupais:

- Habilidades sociais e cohesión grupal
- Autoestima
- Xestión de emocións e autocontrol
- Orientación laboral
- Xestións de emocións
- Igualdade de xénero
- Recursos sociais e comunitarios
- Introducción á xustiza restaurativa

Actuacións individuais: realízanse, de forma complementaria, asesoramento social, familiar, xurídico, laboral e acompañamentos en todos estes eidos.

UTE: Unidad Terapéutica y Educativa del Centro Penitenciario de Monterroso.

Estas actividades foron subvencionadas polo Ministerio de Sanidade, Consumo e Benestar Social na subvención do IRPF nacional a través da Unión de Asociacións e Entidades de Atención ao Drogodependente (UNAD)



**PRISIÓN DE
MONTERROSO
E BONXE**



**PARTICIPARON 49
HOMES**



**39 USUARIOS
ACUDIRON Á
TALLERES GRUPAIS**

PLAN DE ANIMACIÓN SOCIOCULTURAL EN PRISIÓN

O Plan de Animación Sociocultural busca ser unha experiencia real de participación comunitaria no Centro Penal de Monterroso. Este proceso arrincou o ano 2015 desenvolvendo varias liñas de traballo. Podedes coñecer máis sobre este proceso na nosa páxina: [Plan de Animación Sociocultural en prisión | España | Educación Social \(ascprision.es\)](https://www.ascprision.es/)

Durante o 2024 desenvolveronse algunhas actividades de continuidade:

- **Radio comunitaria “LibreMente”:** radio comunitaria creada e levada a cabo por persoas presas. Durante este ano 2024 seguiu acompañando na creación de contidos e emisión dos podcasts e programas desta radio. Podedes descargar e escoitar os programas no enlace https://www.ivoox.com/escuchar-podcast-libremente_nq_478572_1.html



- **Rede Galega de Educacións en Prisión (REGAEP):** ademais das reunións periódicas para afianzar e avanzar no traballo coordinado das entidades que conforman a rede, realizouse unha xornada sobre Voluntariado Penitenciario
- **Aulas Abertas:** realizáronse numerosos encontros, un cada mes, con persoas de diferentes áreas para achegar diferentes realidades e debates ás persoas internas do CP Monterroso. Este ano esta actividade vinculouse coa actividade da radio, procurando que as persoas que participan nas Aulas tamén sexan entrevistadas polas persoas que dinamizan a radio.

Estas actividades foron financiadas pola Fundación La Caixa a través da súas convocatorias sociais

ATENCIÓN A PERSONAS CON TRASTORNOS ADITIVOS



PROGRAMA DE ATENCIÓN XURÍDICO SOCIAL

Dirixido a **persoas drogodependentes** con **procesos xudiciais pendentes**



**ATENDEMOS A
222 PERSOAS
(195 HOMES E
22 MULLERES)**

- ♦ Apoio e asesoramento no seguimento de todo o proceso xudicial;
- ♦ Facendo fincapé en que conste acreditada en sentenza a toxicomanía de cara a solicitar alternativas á prisión, e mesmo a solicitude das distintas alternativas se é o caso;
- ♦ Incidindo na proposta de alternativas á prisión (situación preventiva) así como a derivación a recursos de tratamento no exterior (persoas penadas);
- ♦ No caso das persoas penadas e con medidas alternativas (suspensións ou substitucións de condena) facilitamos o cumprimento destas na nosa entidade (Traballos en Beneficio da Comunidade- TBC, seguimento de suspensións de condena).

Coas persoas que compren condena na cadea, damos cobertura tamén a cuestións relacionadas co Réxime Disciplinario Penal, realizando asesoramento xurídico, xestións e escritos.

Este programa está financiado dende o Servizo Galego de Saúde, da Consellería de Sanidade da Xunta de Galicia

SENSIBILIZACIÓN E INCIDENCIA POLÍTICA



ACTIVIDADES DE SENSIBILIZACIÓN

Este ámbito é fundamental no accionar da entidade, entendendo a intervención como un continuo que debe incidir nas causas das problemáticas coas que traballamos. Buscamos fomentar a **sensibilización**, a **participación cidadá**, e **incidencia social** en relación a temas invisibilizados.



Esta área conta cunha forte presenza do **voluntariado** da entidade, que participa dende o inicio, dende as labores de planificación das campañas ata á mobilización social.

Día Internacional das Mulleres 8M e Día internacional contra a violencia de xénero (25 Novembro).

Ao longo do ano, facemos campañas e accións de rúas en datas sinaladas. Temos unha presenza constante nas redes sociais onde compartimos todos os materiais de sensibilización e incidencia.

Neste 25N, Día Internacional da Eliminación das Violencias contra as mulleres, organizamos e participamos xunto con Cruz Vermella, Diaconía e Cáritas Lugo, unha proxección con debate posterior con alumnado de 2 centros educativos da cidade, con máis de 140 rapaces e rapazas. Proxectamos o corto de Mabel Lozano “*Biografía del cadáver de una mujer*” y realizamos unha pequena charla posterior.



Neste acto tamén descubriu o mural co lema #PolasSupervivintesdaExplotaciónSexual, que elaborou Diego As, artista moi recoñecido como graffitero a nivel internacional, unha mostra de arte urbana que se atopa nun dos lugares máis transitados da cidade, o Parque da Milagrosa, o que favorece que poida ser vista por moitas persoas.



Esta actividade está financiada polo Convenio coa Consellería de Promoción do Emprego e Igualdade e Aliad Ulltra para o desenvolvemento de accións de información, prevención e sensibilización en materia de violencia sexual, trata con fins de explotación sexual, explotación sexual, así como de apoio ás súas vítimas, preferentemente entre mulleres inmigrantes, residentes na Comunidade Autónoma de Galicia.

Dende Aliad levamos máis de 10 anos impartindo obradoiros con mocidade para falar sobre prostitución, trata e explotación sexual, unhas das violencias machistas máis invisibilizadas que convive con nós a diario. Esta labor é fundamental para nós, máis aínda cando a problemática adquiriu unha nova dimensión na última década coas redes sociais e outras plataformas de internet que favoreceron a aparición de novas mafias e novas formas de explotación sexual de mulleres no mundo virtual. Isto afecta de maneira moi directa a mocidade, nativos dixitais para os que estes espazos forman parte da súa realidade e a súa socialización. Así a súa educación en relación coa sexualidade e a súa vivencia dela vese influída de forma directa pola normalización da cosificación do corpo das mulleres, a pornografía ou prostitución. Ademais convértense en obxectos potenciais tanto como demandantes deste contido (rapaces) coma obxectos desta explotación (rapazas e rapaces).

OBRADOIROS FADAS (Federación de Asociacións de Ámbito Social de Lugo)



**304 MOZAS E
MOZOS
PARTICIPARON NOS
OBRADOIROS**

Neste novo escenario de novas formas de explotación sexual nas redes sociais con novas estratexias de captación a través de plataformas online como TikTok, Instagram, Onlyfans, videoxogos en liña, Snapchat e Whatsapp entre outras, é onde levamos a cabo formación en institutos e colexios a través da convocatoria que fai FADAS co seu proxecto ***"Un mundo mellor para as nosas crianzas"***, participando este ano 2024 en 3 IES da provincia.



Tamén participamos ao longo do ano en espazos de reflexión e debate en espazos diversos: universidades, asociacións....

Dentro do Plan Proxecta “365 días de Igualdade”, da Consellería de Educación, e como entidade parte da Rede Galega contra a Trata Sexual impartimos, conxuntamente con Cáritas Lugo, o obradoiro **“A nova escravitude do século XXI: a trata e a explotación sexual”** en 6 grupos de 4 IES da provincia de Lugo.

Trátase un obradoiro de traballo grupal e debate empregando como material de traballo os paneis da exposición “Que hai detrás da prostitución?” elaborada conxuntamente pola Rede Galega contra a Trata Sexual, nos que se traballa e debaten os mitos e a realidade que hai detrás dos diferentes ámbitos da prostitución (RRSS, puteiros, mafias, sistema prostituínte...) implicando as rapazas e rapaces na reflexión e debate a través de preguntas interpelativas.

AS NOSAS REDES SOCIAIS

Temos varias canles para achegarse as nosas actividades ou novas relacionadas coas nosas áreas de traballo:



MAIS DE **40.000**
VISITAS NAS NOSAS
REDES SOCIAIS

Web: www.aliad.org

Instagram: [Asociación Aliad Ultreia \(@aliadultreia\)](#) • [Fotos y videos de Instagram](#)

Facebook: [Aliad-Ultreia | Facebook](#)



MÁIS DE 1.000
PERSOAS
ACCEDERON AS
ACCIÓN



VOLUNTARIADO



INICIATIVAS DE VOLUNTARIADO

Cóntase con persoas voluntarias que participan enriquecendo o traballo da nosa entidade nas diversas áreas de actuación. Durante este ano 2024 realizáronse as seguintes actividades:

Dous tipos de **xornadas** que tiveron como finalidade informar, sensibilizar en materia de saúde mental e formar a voluntariado da nosa entidade. Organización da xornada da Rede Galega de Educación en Prisión (REGAEP), que estaba prevista, e na xornada formativa especializada dirixida a voluntariado.

Acción socioeducativas para a saúde mental no ámbito penitenciario

REGAEP organizou esta xornada co fin de visibilizar o estado da saúde mental nas prisións galegas, así como coñecer as iniciativas que se están a desenvolver en materia de saúde nas prisións galegas.

Accións socioeducativas para a saúde mental no ámbito penitenciario

II Xornadas da Rede Galega de Educación en Prisión
11 de outubro de 2024
Salón de Actos
Facultade de Cc. da Educación
Universidade da Coruña
(Campus de Elviña)

10.00
10.30
12.30
14.30
16.30
19.30

Acolida

- Laura Salazar, comisión de comunicación da REGAEP
- Laura Cruz, comisión de formación da REGAEP

Faladoiro
Saúde mental en prisión

- Beatriz González, Asociación APEM, PAIEM C.P. de Teixeiro e CIS da Coruña.
- Aroán Aguiar, Aroán, PAIEM C.P. de Monterroso e Borne.
- Alba Pérez, FEMES Ourense, PAIEM C.P. de Pereiro de Aguiar.
- Malca Alvarro, Lenda, PAIEM C.P. de A Lamea e CIS de Vigo.

Dinamiza a xornalista Margo Toja

Experiencias
Promoción da saúde na prisión

- Grupo de prevención de sobredose. C.P. de Teixeiro. Gerardo Sobro, ASFEDRO.
- Formación de internos de apoio para a prevención de suicidios. C.P. de A Lamea, Pereiro de Aguiar e Teixeiro. Miro Rodríguez, Fundación Erguete Integración.
- Saúde e deporte no Plan de Animación Sociocultural. C.P. de Monterroso. Paula Palo, Alad Ultraa.
- Cidadanía espiritual. C.P. de Galicia, Juan González, Pastoral Penitenciaria.
- Autocontrol a través do teatro. C.P. de A Lamea e Teixeiro. Rodrigo Alonso e Sargi Gómez, Asociación Erguete.
- Mellora da autoestima a través da metadrolina de Apti. O programa "Entre Paredes". C.P. de Teixeiro. Rosaura Razo, Fundación Erguete Integración.

Dinamiza Ana Martínez, Subdirectora de Tratamento de C.P. Pereiro de Aguiar

Obradoiro
Xustiza restaurativa e saúde mental

Xoana Pérez e Laura Muíños de CONCES

Destinado a profesionais/entidades con experiencia no ámbito / prácticas limitadas

Organiza
Colaboran

REGAEP

Comisión de Cultura

Facultade de Ciencias da Educación
UNIVERSIDADE DA CORUÑA

Ministerio de Sanidade
GOBERNACIÓN DE GALICIA

Formación para persoas voluntarias en conductas aditivas

Continuando co ciclo *Comprender para axudar*, apostamos pola formación ó voluntariado como elemento fundamental para fortalecer a labor desenvolta por parte das persoas voluntarias. O consumo de sustancias é un fenómeno presente nos colectivos cos que traballamos resultando a intervención en drogodependencias como unha necesidade transversal na intervención con persoas en vulnerabilidade social.

Entendemos que para desenvolver a acción de voluntariado é necesario comprender como os diferentes determinantes sociais impactan nas persoas ás que acompañamos.

Polo tanto, nesta ocasión, decidimos ofrecer unha aproximación ás condutas aditivas co fin de analizar as causas de consumo, como se xenera unha adición e posibles enfoques de intervención. Analizando a droga, a persoa e o contexto.

Páxina web voluntariado onde recollemos todas as iniciativas e propostas que levamos a cabo no marco do Plan de Animación Sociocultural www.ascprision.es do Plan de Animación Sociocultural.

Encontro formativo Comprender para axudar
Aliad Ulteira

As condutas aditivas: a interrelación entre droga, persoa e contexto

Dirixido a persoas voluntarias, profesionais do ámbito socioeducativo e outras persoas interesadas

**En Aliad Ulteira traballamos na cultura das condutas aditivas das persoas con problemas de adición, persoas vítimas e agresoras e outras vítimas das diferentes formas de violencia machista (explotación sexual e outras).
Máis info: www.aliad.org voluntariado@aliad.org**

31 de outubro de 16:00 a 20:30h

**Centro de convivencia Fingo, Ronda de Fingo, 72
Entrada pola Rúa Aviación Española. LUGO**

**Imparte: Mercedes Padreira Quiroga
Psicóloga clínica da Unidade Asistencial de Drogodependencias da Cruz Vermella (Lugo)**

**Inscripcións en:
<https://forms.gle/21dtJedZmCZsXUE9>**

Aliad Ulteira **XUNTA DE GALICIA** **Voluntariado Galiago.org** **Concello de Lugo**

CUOTA PERSOAS SOCIAS

Contamos con 64 persoas socias que mediante a súa cota anual nos apoian e participan das actividades que levamos a cabo.

<https://www.aliad.org/hazte-socio-socia/>

Ofrecemos **acompañamento individualizado e integral**, respectuoso cos tempos da persoa, a través dos seguintes servizos:

Atención social e educativa

Apoiando nos trámites administrativos e de axudas, no acceso a recursos sociais, na relación coas familias, etc.

Asesoramento xurídico

Sobre dereitos e deberes, así como para a tramitación de procedementos.

Atención sanitaria

No acceso á asistencia médica, obradoiros formativos, proba rápida de VIH e métodos de protección de infección de transmisión sexual.

Atención psicolóxica

Para abordar aspectos emocionais, relacionais e de conduta, así como a motivación cara o cambio.

Orientación laboral

Atención individualizada na busca e mantemento de emprego.

Obradoiros grupais

No traballo en habilidades sociais e desenvolvemento persoal, de cara a inclusión social e laboral.

Recursos residenciais

Cunha vivenda para permisos penais e outra para muller vítima de trata e/ou explotación sexual.



Unha equipa profesional e especializada atenderá de forma integral as túas necesidades e dereitos.

Contamos tamén coa participación voluntaria de persoas implicadas que colaboran cos nosos programas e impulsan os seus propios proxectos e iniciativas.

O noso compromiso co cambio social lévanos a realizar accións educativas e de sensibilización en diferentes lugares (centros educativos, concellos, espazos profesionais, etc.), na procura dunha sociedade xusta, garante de dereitos e feminista.

Colabora!

DATOS PERSOAIS

Nome:
Apelidos:
DNI/CIF:
Enderezo:
CP:
Provincia:

CUOTA

- ☐ 15 €/ano (cuota mínima)
☐ 30€/ano
☐ 60 €/ano
☐ 120 €/ano
☐ outro importe: _____ €/ano

FORMA DE PAGO

☒ Domiciliación bancaria

ES _ _ _ _ _

Sinatura:

Aliad Ulteia está recoñecida coa Declaración de Utilidade Pública e acollida a lei 49/2002 de incentivos fiscais ao mecenazgo.

De conformidade co disposto na Lei Orgánica 3/2018, do 5 de decembro, de Protección de Datos Persoais, así como o Regulamento 2016/679 do Parlamento Europeo e do Consello do 27 de abril de 2016 infórmase de que os datos persoais que suministre pasarán a ser tratados pola Asociación Aliad Ulteia, empregados para a relación descrita neste documento. Vostede poderá exercer os dereitos de acceso, rectificación, cancelación ou oposición dirixíndose á entidade responsable do tratamento: Aliad Ulteia, rúa Milagrosa, 99-101, Lugo.



AS CONTAS CLARAS




INGRESOS 2024	
460.533,86	AXUDAS PÚBLICAS
40.004,00	AXUDAS PRIVADAS
2.208,00	DOAZÓNS
3.395,00	COTA SOCIOS/AS
1.384,00	OUTROS INGRESOS
507.524,86	TOTAL

GASTOS 2024	
PERSONAL	376.944,88
GASTOS XERAIS DA ENTIDADE (Suministros, alimentación, alugueres, limpeza, comunidades,...)	63.955,69
AXUDAS (Becas de formación e axudas a persoas usuarias)	15.182,56
Amortizacións de inmovilizado	4.177,04
TOTAL	460.260,17

RESULTADO EXERCICIO 2024: 47.264,69



DISTRIBUCIÓN DOS INGRESOS DE ALIAD ULTREIA NO ANO 2024 POR ÁREA DE ACTUACIÓN





Rúa Milagrosa 99, C.P.:27003, Lugo

982 251 948 - 655 395 940

info@aliad.org

www.aliad.org



Aliad-Ultreia



@aliadultreia